

昂
教
授
著

易

傳

箋

之江中國文學會集刊單行本

京氏易傳箋

徐 昂

自序

昂在杭州秦望山中。既纂周易虞氏學。釋鄭氏爻辰補周易象通釋諸書。將欲上闢京氏而亂離之際。苦不得其書。去年冬至。滬上見寓廬中有京氏易傳。大憲而掣索之。陸氏所注。未能盡詳。其詳者亦匪易明瞭。烏乎。人心之古若。蓋明乎消長得失之機者。鮮矣。昂好治漢易。敢以衰邁譚陋而自悶其知乎。乃展卷握管。於卦體象數消息飛伏世應建候積算星宿氣候。變動周流之道。皆一一爲之箋釋。傳中所引經文。拙著前書有已釋及者。不復贅也。京氏之學。源於孟喜。虞氏亦然。而易文頗有小異者。如姤卦大象傳。孟氏易云。后以施令誥四方。京氏易云。君子以號令告四方。虞氏易云。后以施命誥四方。同一句也。后或作君子。施或作號。令或作命。誥或作告。餘如小畜卦。京氏輿說。輿。虞氏輿作車。家人卦。京氏父子嘻嘻。虞氏父作婦。虞異於京者不一而足。其消息節候。亦有與京氏不符者。鄭氏爻辰坤卦六爻所配地官次第。別於京傳。而列宿則通。天地之道布四時。連二十四節。分七十二候。降五星。列二十八宿。其運行變化。莫不基於五行干支。由無而之有。則四方星宿在天成象。水火木金土在地成形。皆昭昭然有迹可尋也。自有而之無。則時節氣候干支親屬。皆陰陽兩氣之蘊於無形者也。繇有無對象推究事物之情狀。吉凶悔吝。自可會於意象之外。天下之動貞夫一。京氏於豐卦云。不可執一爲定象。損卦云。不可執一以爲規。蓋一者其體。不執一者其用。由一生二。變動發揮。推之億萬。極之無量。反而求之。仍歸一本。窮理盡性。以至於命。道其在斯乎。京氏之書。自漢晉隋唐以來。藝文經籍等志所載。題名各別。卷帙亦殊。代有亡失。存者無幾。當宋之世。文字顛倒舛訛。已有不可訓者。晁氏景迂謂以其象數辨正文字之舛。謬於邊郡山房寂寞之中。今讀其書。錯亂譌誤。猶層見而疊出。拙箋訂正外。復就原傳卷葉行數爲校勘表。附列於後。昂所不能攷知者。闕之以待來哲。有如晁氏所云也。中華民國二十八年六月徐昂記於滬濱北豐別墅寓廬。

京氏易傳箋目次

卷一

乾宮本卦 姤卦 遯卦 否卦 觀卦 剝卦 晉卦 大有卦 震宮本卦 豫卦 解卦 恆卦 升卦 井卦 大過卦
 隨卦 坎宮本卦 節卦 屯卦 既濟卦 革卦 豐卦 明夷卦 師卦 艮宮本卦 賁卦 大畜卦 損卦 睽卦
 履卦 中孚卦 漸卦

卷二

坤宮本卦 復卦 臨卦 泰卦 大壯卦 夬卦 需卦 比卦 巽宮本卦 小畜卦 家人卦 益卦 无妄卦 噬嗑卦
 頤卦 蠱卦 離宮本卦 旅卦 鼎卦 未濟卦 蒙卦 渙卦 訟卦 同人卦 兌宮本卦 困卦 萃卦 咸卦 蹇卦
 謙卦 小過卦 歸妹卦

卷三

京氏學歸納引言 八宮世魂 八宮世魂表 五行 八宮六十四卦五行統計表 五行相同分證 干支 親屬 飛伏
 京傳陸注飛伏異同表 八宮飛伏三卦表有說 八宮游歸兩魂飛伏表有說 世身 建候積算 納辰建候干支生剋相比
 納辰建候干支相同 八宮六十四卦納爻建候干支對照表 八宮六十四卦建候積算表 星宿 八宮六十四卦五星值位
 表 八宮六十四卦二十八宿值位表 氣候分數 八宮六十四卦節候數目表 卦主 互卦 附卦氣貞辰 卦氣貞辰表
 卦氣貞辰與納辰或建候相同之統計 京氏易傳校勘表

京氏易傳箋 卷一

三三乾上乾純陽用事象配天屬金與坤為飛伏居世陸績注壬戌土癸酉金

昂按乾坤飛伏陰陽交互乾宮九五為卦主而世在上爻宗廟故云居世注中壬戌土指乾卦上九爻癸酉金指坤卦上六爻乾流坤形金土相生乾金上九戌土伏有坤土上六酉金也

易云用九見羣龍无首吉純陽用九之德九三三公為應肖乾乾夕惕之憂甲子配外內二象乾為天地之首分甲壬入乾位

昂按九三當三公之位世位上九失正應在九三爻兩土相比而戌辰相衝九三重剛故曰乾乾二四失位變之正則九三互坎當陽惕憂即坎象乾卦於天干首列甲位八卦納甲至巽辛而極循環至乾故乾又配壬分內外二象內卦配甲外卦配壬坤卦亦分內外二象八卦中乾坤獨尊故內象外象所配之天干皆有別

積算起己巳火至戊辰上吉凶之兆積年起月積日周而復始起時積時起卦入本宮

昂按乾陽胎於大雪及冬至一陽生乾初來復起於十一月子盡於四月巳積算之法從其所建結末之干支計起如乾建甲子至己巳積算即從己巳計起是也積算從己巳四月節立夏至戊辰三月中穀雨六虛周甲戌巳皆土與乾金相生辰土從巳火生由乾而至夫循環不息乾居西北戌亥與東南辰巳相對坎戊離己乾出入坎離故天干起己迄戊乾陽盡於巳窮於剝上而反三歸魂從謙始乾三納辰故地支起巳而至辰也注文於積年起月後略積月起日一語

五星從位起鎮星土星入四方居西北居壬戌為伏位參宿從位起壬戌壬戌在世居宗廟

昂按乾宮為金上九世爻配戌土五星起鎮星為土星參宿列申位尾西方金宿之末土生金也注言伏位者壬戌位中伏癸酉也土星金宿與飛伏土金同行參為白虎主兵戎萃卦大象傳除戎器戒不虞之象即上值參伐星宿也拙著釋鄭氏爻辰補詳此說乾之戰坤亦兆此象

建子起潛龍十一月冬建巳至極主亢位四月龍見於辰陽陰來吉去凶生用九吉

昂按十一月冬至值子水。乾辟卦。一陽來坤初為復。陽潛於下。始於子而盡於巳。起世位上九爻。建甲子。與初爻干支相同。甲子值十一月節大雪。己巳值四月中小滿。由甲子歷乙丑丙寅丁卯戊辰以迄己巳。凡六辰十二節。九極則衰。五月姤陰至矣。原文略分氣候三十六一語。積算己巳入上爻壬戌。以定吉凶。己土剋壬水。巳火生戌土也。

配於人事為首。乾為首也。為君父。乾象堅剛天地之尊故為君父。於類為馬。為龍。天行運轉不息。降五行。頌六位。十二辰分六位升降以時消息吉凶。

昂按乾卦初爻納子。二爻納寅。三爻納辰。四爻納午。五爻納申。上爻納戌。乾陽卦於十二辰中納陽辰六。分布六爻。子配水。寅配木。辰戌皆配土。午配火。申配金。六辰所隸五行有定序。升降消息。則發揮旁通之象也。

居西北之分野。陰陽相戰之地。易云。戰於乾。乾為陽西北陰陽入陰二氣盛必戰。天六位。地六氣。六象六包。四象分萬物。陰陽無差。升降有等。陰陽二十四候律呂矣。

昂按乾於文王八卦居戌亥之位。乾金生於戌土而生亥水。陰陽相戰。生中有剋。戌亥位西北方。坤陰極於亥。陽胎陰中復陽將生。故坤上有戰象。方位空虛。其初氣未著也。有氣而後有形。有形而後有質。四六之數。皆由兩而生。兩儀生四象。兼三才而兩之。故六。大傳可徵也。陰陽二十四候配十二律呂。律呂之數各六。乾卦初九黃鐘。九二太簇。九三姑洗。九四蕤賓。九五夷則。上九無射。坤卦配六呂。與乾律循環相生。

人事吉凶見乎其象。造化分乎有無。故云變動不居。開流六虛。六位純陽。陰象在中。陽中陰。陽為君。陰為臣。陽為民。陰為事。陽實陰虛。明暗之象。陰陽可知。三五為陽二四為陰初上潛亢。

昂按乾卦陽實而光明。坤卦陰虛而幽暗。乾陽入坤成坎。坎之幽暗在陽實。坤陰入乾成離。離之光明在陰虛。陰陽之為明為暗。變化可知。幽明詳拙著周易對象通釋。

水配位為福德。甲子水是乾之子孫。木入金鄉居寶貝。甲寅木是乾之財。土臨內象為父母。甲辰土是乾之父母。火來四上嫌相敵。壬午火是乾之官鬼。金入金鄉木漸微。壬申金同位傷木。宗廟上建戌亥乾本位。戌亥乾之位。陽極陰生。姤卦入八卦例諸。

昂按乾於五行屬金象。金生水。故初爻子水為子孫。金剋木。被剋者必有所畜。故次爻寅木為財庫。金生於土。故三爻辰土為金。

所從生之父母。金爲火所剋。主剋者有官鬼之象。官主裁判。鬼主陰私。故四爻午火爲官鬼。至於同爲官鬼。陽爻主官。陰爻主鬼。視變化而定。乾爲金。第五爻壬申又屬金。故注云同位。傷木涉及九二寅木。二五陽與陽不相應。故五傷。二寅木變巳火。則二又剋五矣。本宮所屬五行與卦爻同位相比。有兄弟之象。上爻壬戌仍屬土。與第三爻同父母之象。注文皆從略。納戌而兼及坤者。乾位戌亥。上交適當戌土。故連文及亥也。決夫成乾。坤陰不滅。來初爲姤。

三三巽下乾上。姤陰爻用事。金木互體。天下風行曰姤。姤遇也。易曰。陰遇陽。猶盛陰未與敵。與巽爲飛伏。元士居世。辛丑土。甲子水。

昂按巽木乾金。故云金木互體。辛壬配內外象。初爻辛丑爲父母。上交壬戌亦然。次爻辛亥爲福德。即子三爻辛酉五爻壬申皆爲兄弟。四爻壬午爲官鬼。三五兩爻重金。與外卦乾金合。五行缺木。建候亦然。而內卦有巽木也。以乾宮論。財祿伏於次爻。以內卦巽論。財祿伏於初爻。與巽爲飛伏。巽陰本伏在乾初。乾初未動時。乾飛巽伏。及其既動。則巽飛而乾又伏矣。注文辛丑土。謂姤初爻。甲子水。謂乾初爻。世位水土相伏也。姤屬乾宮第一世。初爻爲元士。故云元士居世。坤陰決於夫而來乾初。此循環自然之道。初相遇由於自然。陰雖未與陽敵。而土剋制水。相敵之機已動。爲遯爲否。而至於剋。兆於此矣。

尊就卑。子孫與父母相代位。

昂按姤隸乾宮。乾初爻甲子爲福德子孫。姤初爻辛丑爲父母。坤陰來乾初成巽爲姤。是父母居子孫之位。以尊就卑也。定吉凶。只取一爻之象。多爲貴。少爲凶。

昂按姤卦之主在初爻。易大傳云。陰卦多陽。以爻之奇偶言。奇畫之象爲少。偶畫之象爲多。注謂多。以少爲貴者。就爻之箇數言耳。姤卦初爻陰柔爲貴。自次爻至上爻皆陽爻。多不如少之足貴也。

九四諸侯。堅剛在上。陰氣處下。易云。繫于金柅。巽積陰入陽。辛壬降內外象。

昂按九四位當諸侯。例與初六世爻元士相應。丑土應午火雖相生。而陰陽皆失正。內卦下巽納辛。外卦上交納壬。見前建庚午至乙亥。芒種小暑

昂按姤爲五月辟卦當午。距乾宮甲子後六辰。起世地初六爻建庚午。值五月節芒種。乙亥值十月中小暑。由庚午而辛未土申

癸酉甲戌至於乙亥。以六爻變化之數當之。蓋由姤而遯否觀剝以迄坤也。壬申與九五爻干支相同。積算起乙亥水。至丙戌土。周而復始。災福之兆生乎五行升降也。

昂按丙戌之內當作甲。姤由坤陰來乾。乾納甲。坤納乙。故積算天干起乙迄甲。甲乙皆木。起算乙乾。距乾宮起算己巳。亦後六辰。姤內卦巽值東南方辰巳之位。與外卦乾西北方戌亥之位相對。故地支起亥水迄戌土。與飛伏土水同行。建時至乙亥止。積算即從乙亥起。至甲戌一周。即回轉建月所歷之九月甲戌也。土剋水。為陰消陽之象。起十月至九月。由坤而循環至剝。終而復始。注文所謂災福之兆生乎五行升降者。福之兆在生。災之兆在剋。視五行之變化而定。

五星從位起太白。太白在酉居金位。井宿從位入辛丑。辛丑入土元土臨母也。

昂按注文元土之士當作土。母上脫父字。姤以乾為本宮。乾金象。五行起太白為金星。位於西方而入金宮。姤列乾宮世數之首。井宿度數從西南方起申迄未。而冠南方朱鳥午火七宿之首。與九四午火相協。世位丑土生於火而生金也。

建午起坤宮初六爻。易云。履霜堅冰。建亥。龍戰于野。戌亥是乾之位。乾伏本位必戰積陰之地。猶盛故戰。

昂按坤初爻至上爻納未迄酉。此云建午起坤宮初六爻。又以建坤當上六爻者。以姤辟卦值五月午。越六數。故建亥也。西北方亥為乾位。坤陰始於午而終於亥。故來乾初而成姤。

配與人事為腹為母。坤順容於物。於類為馬。易云。行地無疆。此釋一爻配坤象本體是乾巽。今贊贊一爻起陰假坤象言之。內巽為風。乾為天。天下有風行。君子以號令告四方。巽入也。風入於坤皆動也。故知天下有風動其物也。天風氣象三十六候。三十六候節氣降大風象。

昂按配與之與字當作於。注文複贊字。姤井宿入辛丑。井主水衡。法令所取平也。王者用法平則井星明。見晉書天文志。姤卦號令告四方之象。亦有關於值宿。姤為陰虛之卦。而建始庚午陽剛。歷六長十二節氣。其實。故氣候三十有六。積算乙亥入初六世位辛丑起數。辛金剋乙木。丑土剋亥水也。

木入金為始。金納木也。陰不能制於陽。附於金。梃。易之柔道牽也。五行升降。以時消息。陰盪陽。降入遯。天山遯卦。

昂按巽木入乾金為梃象。前文云。九四諸侯。堅剛在上。陰氣處下。易云。繫于金梃。巽積陰入陽。京氏蓋以世在初而應在四。梃象

在四。初爻巽木牽繫之也。姤陰消乾陽至二爻成遯。

三三艮下遯。陰爻用事。陰盪陽遯。金土見象。山在天下為遯也。遯退

伏。大夫居世。建辛未為月。丙午火

昂按艮字當作艮。注文丙寅之丙字當作甲。艮土象。乾金象。陰雖消陽。而土實生金。丙壬配內外象。初爻丙辰上爻壬戌皆為父母。次爻丙午四爻壬午皆為官鬼。三爻丙申五爻壬申皆為兄弟。初上兩爻重土與內底艮土合。三五兩爻申金與外卦乾金合。

六爻中五行缺水與木。而建候中有亥子兩水。世位伏有寅木也。乾宮初爻甲子福德。次爻甲寅財祿。潛伏於遯卦下艮之兩陰爻中。故與艮為飛伏。注文丙午火。指遯卦內艮六二爻。甲寅木。指乾卦九二爻。世在次爻故也。遯卦居乾宮二世。次爻當大夫之位。遯值六月未。故建辛未為月。建辛未至丙子詳下文。

六二得應。與君位遇建焉。臣事君。全身遠害。遯俟建辛未至丙子。陰陽遯去。終而伏位。從六月至十一月也

昂按世在六二。應在九五。丙午應壬申。火雖剋金。而陰陽皆得正。九五君位。遯陰消陽。由否至四成觀。觀第四爻值辛未。消至五成剝。剝第五爻值丙子。遯建辛未至丙子。故應與君位遇建焉。始一世建始庚午。遯二世為六月辟卦。建始後一辰辛未。起世位六二爻。由辛未六月中大暑而壬申癸酉甲戌乙亥。至於丙子十一月節大雪。月交辛未。陽遯至二。循環至辛丑。陰又遯至二。遯則伏矣。壬申與九五爻干支相同。

積算起丙子至乙亥。周而復始。火土同宮

昂按注文火土之火當作金。坤陰盪陽。消至二。內卦成艮為遯。消至五。外卦成艮為剝。剝內坤納乙。外艮納丙。第五爻值子水上爻再消成坤。則第五爻轉為亥水。始一世積算自乙亥起。遯二世積算即迴至乙亥。起丙子十一月至乙亥十月。由復而循環至坤。終始無已。

陽消陰長。無專於敗。繫云。能消息者。必專者敗。五星從位起太陰。鬼宿入位降丙辰。丙午臨

昂按丙辰之辰字當作午。注文元土之士當作土。八卦消息。首重乾坤。乾決夫陰。坤盪剝陽。皆專也。專者必敗。夫決上陰而來初

坤。終始無已。

積算起丙子至乙亥。周而復始。火土同宮

昂按注文火土之火當作金。坤陰盪陽。消至二。內卦成艮為遯。消至五。外卦成艮為剝。剝內坤納乙。外艮納丙。第五爻值子水上爻再消成坤。則第五爻轉為亥水。始一世積算自乙亥起。遯二世積算即迴至乙亥。起丙子十一月至乙亥十月。由復而循環至坤。終始無已。

陽消陰長。無專於敗。繫云。能消息者。必專者敗。五星從位起太陰。鬼宿入位降丙辰。丙午臨

昂按丙辰之辰字當作午。注文元土之士當作土。八卦消息。首重乾坤。乾決夫陰。坤盪剝陽。皆專也。專者必敗。夫決上陰而來初

坤。終始無已。

積算起丙子至乙亥。周而復始。火土同宮

成娠則陽敗。剝盪上陽而反初成復。則陰敗。遯陰雖長。敗之機也。積算起丙子至乙亥。亥子皆水。太陰北方水星入金宮。鬼宿列坤方西南未位。即遯卦所值六月之位。與東北艮方相對。為南方火宿之一。降入丙午。干支皆火。太陰水星剋制。陰之盪陽。兆於是矣。丙午當遯卦第二爻世位。臨大夫而乘初爻元士之上。

配於人事為背為手。背手。艮為背手。於類為狗。為山石。內外升降。陰陽分數二十八候。分陰陽進退。

昂按遯為陰虛之卦。建始辛未陰柔。經六辰十節。其數虛。故候二十有八。積算丙子入六二世位。丙午以定吉凶。子水剋午火。子午雖對衝。而坎水離火又互相胚胎也。子水胎於午。午火胎於子。

土入金為緩。積陽為天。積陰為地。山所地高峻。逼通於天。是陰長陽消。降入否。陰逼陽去入。天地否卦。

爻按山字下所字似衍文。艮土入乾金。土能生金。反生為剋。以陰盪陽。陽盛則堅剛。陰盛則弛緩。遯消至三成否。艮山變為坤地。與外卦乾天相逼。

三三坤下。乾上。名內象陰長陰事。天氣上騰。地氣下降。二家分離。萬物不交也。小人道長。君子道消。陰小人。陽君子。易云否之匪人。與坤為飛伏。

三公居世。乙卯木。甲辰土。

昂按注文陰字當置純字下。否以內卦坤陰為主。故純陰用事。專指內卦。金土互象。與遯卦同。惟遯體艮土。否體坤土耳。坤土與乾金相生。乙壬配二象。內乙而外壬。初爻乙未上爻壬戌皆父母。次爻乙巳四爻壬午皆官鬼。三爻乙卯財祿。五爻壬申兄弟。初上兩爻重土與內卦坤土合。五爻申金與外卦乾金合。乾宮初爻申子福德。伏內卦坤初乙未之中。故與坤為飛伏。注文乙卯木指否卦六三爻。甲辰土指乾卦九三爻。木中伏土當世位。六爻中五行缺水。而建候中有亥子兩水也。否於乾宮居第三世。故三公居世。

上九宗廟為應。君子以俟時。小人為災。乙卯。泰來。

爻按上爻位當宗廟。與世木三公皆失正。乙卯木應于戌土。雖云相剋。而卯與戌合。木土與飛伏木土同行。注文乙卯指否卦第三爻。否反至三成泰。乙卯變為甲辰。轉入坤宮第三世。則君子得時而小人退矣。

建壬申至丁丑陰氣浸長。七月立秋至十二月大寒

昂按否卦下乾為土。上乾為金。申金應乾。丑土應坤。否值七月申位為辟卦。陰氣浸長。指七月壬申至十月乙亥而言。十一月丙子復陽來。初十二月丁丑復陽至二成臨。陽氣又浸長矣。建始壬申與九五爻干支相同。值七月節立秋。丁丑值十二月中大寒。由壬申歷癸酉甲戌乙亥丙子迄丁丑六辰。

積算起丁丑至丙子周而復始。金土同宮吉凶見矣

昂按注文金字上當有申字。遞二世積算自丙子起。否三世積算即迴至丙子。丙丁皆火。丁丑至丙子。小寒迄冬至。即由臨而至復。循環相終始。

五星從位起歲星。木星入卦用事柳宿從位降乙卯。乙卯臨三公

昂按否為七月申金之卦。第三爻世位則值乙卯木。歲星東方木象入金宮用事。與世爻卯木相比。柳宿度數起西南未方。當否卦初爻未位。止正南午方。當否卦第四爻午位。降世位乙卯。入東方震木之位。柳主草木。見史記天官書初六茅茹九五苞桑。皆取柳宿之象。柳又主天廚。六二包承亦取柳象。鄭氏爻辰補否卦六二引荊州星占柳為天廚

氣分氣候三十六。六六三十六積算吉凶陰陽升降。陽道消鑠。陰氣凝結。君臣父子各不迫及。陰濫陽來道行矣易云其亡其亡繫於苞桑。苞桑則天地清濁。陰薄。音陽消。天地盈虛。與時消息。危難之世。勢不可久。五位既分。四時行矣。君子當危難世。獨志難不可久。立特處不改其操。將及泰來。上九云否極則傾。何可長也。否極則泰來陰長降入於觀。九四被陰逼入觀卦

昂按第一氣字衍文。否本陰虛之卦。而建壬申干支陽剛。六辰歷十二節。故卦候三十有六。積算丁丑入六三爻世位乙卯。乙木生丁火。卯木剋丑土也。乾為君為父。坤為臣為子。上下不交。故君臣父子各不相逮。否陰消陽。至四成四世觀卦。由觀終於剝而入坤。一陽來復。至二成臨。至三成泰。否泰相循。五行四時消息盈虛。何可久也。注中字句錯置。宜云君子當危難世。獨立特處。不改其操。志難不可久。將及泰來。

三三坤下巽上。觀內象陰道已成。威權在臣。雖大觀在上。而陰道浸長。與巽為飛伏。諸侯臨世。辛未土壬午火

昂按觀卦土木互象。木雖剋土。而陰實盪陽。九五未消成剝。至尊之位未移。而六四諸侯逼薄尊位。威權有在臣之勢。巽陰在外卦第四爻。由姤卦初爻巽陰上消。故與巽為飛伏。天干乙辛配二象。內卦納乙。外卦納辛。地支內外卦皆配未己卯。初爻乙未四爻辛未皆父母。次爻乙巳五爻辛巳皆官鬼。三爻乙卯上交辛卯皆財祿。初四兩爻未土與內卦坤土合。三上兩爻卯木與外卦巽木合。此卦以五上兩爻為卦主。巽卦第五爻子孫上交兄弟。實潛藏於觀卦五上兩爻之中。巽觀兩卦第五爻同值辛巳上交同值辛卯而巽宮本卦以木配五行觀卦屬乾宮以金配五行故親屬之象不同以乾宮推其所缺。初爻甲子福德。伏觀卦初爻父母中。五爻壬申兄弟。伏觀卦五爻官鬼中。注文辛未土。指觀卦六四爻。壬午火指乾卦九四爻。午火生未土。當世位也。六爻中五行缺水與金。而本宮有乾金。建候所歷六辰有酉金與亥子水也。九四諸侯臨世爻之位。觀屬乾宮四世卦也。

反應元士而奉九五。君位也。易云觀國之光。利用賓於王。臣道出於六四爻也。

昂按元士當應爻之位。外應內為反應。六四辛未與初六乙未兩土雖相比。而初爻失正。未得位也。六四陰雖逼陽。而以卑承尊。有奉九五之象。此就觀五未消時取象。

建癸酉至戊申。陰陽交伏。秋分至立春。

昂按觀辟卦值八月酉。故建癸酉。由癸酉而甲戌乙亥丙子丁丑以迄正月戊寅。即由觀循環至泰。癸酉值八月中秋分。戊寅值正月節立春。秋分陰伏陽。立春陽伏陰。

積算起戊寅至丁丑。周而復始。用金為首。

昂按否三世積算自丁丑起。觀四世即迴至丁丑。積算起立春寅木至大寒丑土。與卦體坤土巽木相合。寅當泰卦。丑當臨卦。起寅至丑。則觀反成臨。臨陽長至三成乾為泰。則次爻納寅。觀由姤消。姤初爻納丑。注文言用金為首者。觀以乾金為宮。又建首酉金也。

金土火互為體。五星從位起熒惑。火星入卦。用事吉凶。星宿從位降辛未。星宿入諸侯宮。木星同位。

昂按觀卦下坤為土。上巽為木。土木互體。京氏謂金土火互為體者。金指乾宮。觀卦四爻辛未土。伏乾宮四爻壬午火。且初四兩

爻皆納未土。二五兩爻皆納已火也。南方榮惑火星入金宮。星宿列南方午火之中樞。降入第四爻諸侯之位。第四爻當巽木而配未土。木生火。火生土也。

土木分氣二十八。積算分配六位。吉凶爻定數。陰陽升降。定吉凶成敗。取六四至於九五。成卦之終也。易云。觀我生。我生即道也。又云。風行地上。君子之德風。小人之德草也。列象分爻。以定陰陽進退之道。吉凶見矣。地上見巽。積陰凝盛。降入於剝。九五退陰入剝卦。

昂按觀列陽盈消息之中。而卦象陰虛。六辰中經十節。建癸酉為陰柔干支。其數虛。卦象坤土巽木。積算寅木丑土。分氣二十有八。積算戊寅入六四世位辛壬。戊土生辛金。寅木剝未土也。消陽至四而薄於五。陰再長即成五世剝卦。六四至九五為成卦之終。九五變為六五。剝艮在上。艮者萬物之所成終也。

三三三坤下剝。柔長剛滅。天地盈虛。建戌至建亥。體象金為本。隨時運變。水土用事。成剝之義。出於上九。易云。碩果不食。君子得輿。小人剝廬。君子全得剝道安其位。小人終不可安也。與艮為飛伏。丙子水。壬申金。

昂按天地盈虛。該剝夫旁通而言。剝建始甲戌。夫建始己亥。剝建甲至己。夫建己至甲。故注文建戌至建亥。謂剝循環而成夫也。剝屬乾宮。故體象金為本。內外卦坤艮皆土。京氏言水土用事者。土旺四季。水與土同位。剝世爻在六五。值丙子水也。乾陽窮於上九。極則來復。艮在外卦。與艮為飛伏。內坤位西南。外艮位東北。陰陽對衝。乙丙配內外二象。初爻乙未。四爻丙戌。皆父母。次爻乙巳。官鬼。三爻乙卯。上爻丙寅。皆財祿。五爻丙子。福德子孫。初四兩爻重土。與卦體坤艮土象相合。艮卦六四。丙戌兄弟。伏外艮第四爻之中。以乾宮論。第五爻壬申。兄弟。伏外艮六五之中。注文丙子水。即指剝卦六五爻。壬申金。即指乾卦九五爻。剝五即艮五。五行雖缺金。而本宮有乾金。世位又伏申金也。

天子治世。反應大夫。

昂按剝屬乾宮五世卦。六五失正。而當天子之位。例與次爻大夫相應。六五丙子與六二乙巳。水火相息。建甲戌至己卯。陰陽定候。春分。寒露至。

昂按剝辟卦當九月值戌。故建首甲戌土。後四世觀卦癸酉一辰。由是而乙亥丙子丁丑戊寅以迄己卯六辰。循環至大壯卦丙

子與六五干支相同。戌當九月節寒露。卯當二月中春分。由陰候而定陽候。

積算起己卯木。至戌寅木。周而復始。吉凶之兆見于有象

昂按觀四世積算起於戌寅。剝五世即迴至戊寅。從己卯起。值二月節驚蟄。戌寅值正月。中雨水。建始戊土。積算戊己土。皆與內

外坤艮同行。寅卯皆木。木剋制土。故有消象。

純土配金用事。五星從位起鎮星。土星入卦。張宿從位降丙子。張宿入天子宮。

昂按乾宮金象。剝內外卦皆土象。世位伏金。故云純土配金用事。鎮星為土星。與坤艮純土同象。土星入金宮。土用金而從火生。

張宿為離火七宿之一。度數起於南方午位。止於東南方巳位。降入第五爻天子爻子之位。子值北方。午火胎於子水。鄭氏爻辰

補明夷初三日不食。注莊存與云。「張為嗥中虛」。嗥虛有不食之象。剝上九乾陽為六五陰柔所逼。有碩果不食之象。即以

張宿嗥虛之故。

金土分氣三十六。積算六位起吉凶。天地盈虛氣候。易象云。山附於地。剝。君子俟時。不可苟變。存身避害。與時消息。春夏始生。天氣盛大。秋冬嚴殺。天

氣消滅。故當剝道已成。陰盛不可逆。陽息陰專。升降六爻。反為游魂。盪入晉。積陰反。入晉卦。

昂按乾金坤艮土。故金土分氣。六辰歷十二節。建甲戌干支陽剛。故氣候三十有六。積算己卯入六五世位丙子。丙火生己土。子

水生卯木也。剝交九月季秋。嚴冬浸至。京氏謂秋冬嚴殺。天氣消滅。坤陰之長。盡於亥月。至十一月冬至節。陽來成復。天氣固未

嘗消滅也。乾窮生復。坤窮生姤。君子與時消息。道在是矣。剝窮於上。陽息陰專。專者必敗。故復陽消陰。乾陽雖反於初爻。而游魂

在四。游魂之始。入豫卦九四震陽。豫卦在震宮。上交宗廟陽爻不變。故入晉卦。

三三坤下離上。晉。陰陽返復。進退不居。精粹氣純。是為游魂。為陰極剝盡陽道不可盡滅。故返陽道不復本位。為歸魂例。入卦。

昂按注文道字誤。復。歸魂之歸。當作游。乾宮之魂。游歸在離。晉卦游魂。離在外卦。歸魂大有亦然。剝消盡後。成為純坤。乾陽復在

四。四當外卦。魂游於外。而未歸乾三本位。上交宗廟亦返故居。精粹氣純。指九四乾陽。乾純粹精也。

金方以火土運用事。與艮為飛伏。己酉金。丙戌土。

昂按注文丙戌之戌當作戊。乾金象。晉卦內坤爲土。外離爲火。土火相生。六爻中有重土重火。世位屬金。是亦金方運用火土也。卦由五世剝卦魂游於九四。二三四爻互艮。世爻位當艮陽。故飛伏在艮。與剝卦同。注文己酉金。指晉卦九四爻。丙戌土。指艮卦六四爻。世位金中伏土。與艮宮四世聯卦同例。乙己配內外二象。初爻乙未五爻己未皆父母。次爻乙巳上爻己巳皆官鬼。三爻乙卯財祿。四爻己酉兄弟。初五兩爻未土與內卦坤土合。二上兩爻巳火與外卦離火合。就乾宮推之。乾卦初爻甲子福德。伏晉卦初爻乙未父母之中。五行缺水。建候亦然。諸候居世。反應元土。

昂按游魂卦世居第四爻。以魂在四也。與初爻相應。丑土雖生酉金。而諸候元土皆不得正。土金與飛伏金土同行。建己卯至甲申。陰陽繼候。春分立秋

昂按五世剝卦建候。迄於己卯。晉卦由剝四變爲游魂。建候九四。始自己卯後剝卦五辰。天干己土與世位九四納己相符。地支卯木與六三卯木相協。由己卯而庚辰辛巳壬午癸未至於甲申。己卯當二月中春分。甲申當七月節立秋。立秋時方伯離卦九四當之。晉離在外卦。春陽秋陰氣候迭運。

積算起甲申金。至癸未土。周而復始。游魂取象配於正位吉凶同矣

昂按積算從建月終結之干支計起。自甲申立秋至癸未大暑。終始循環。晉本宮乾金與內卦坤土相生。申金未土亦相生也。申金至未土。與飛伏世應金土皆同行。

五星從位起太白。卦配金。星入用。翼宿從位降己酉金。翼宿北方入。晉卦行事。

昂按注文北方之北字當作南。晉卦得乾宮之金。九四世爻配酉金。建月積算值申金。五星中西方太白入金宮。亦屬金星。翼宿列東南方巳位。與晉卦次上兩爻巳位相合。翼爲南方火宿之一。外離正當其位。從位降第四爻己酉。仍居金位。翼宿二十二星象羽翮形。故錢氏有翼爲羽翮之說。鄭氏爻辰補解卦上六引錢大昕云翼爲羽翮。世在第四爻。九四鼫鼠。虞翻作碩鼠。以小過飛鳥當之。蓋卽翼宿之象。二象分候二十八。運配金土。積算氣候無差於晷刻。吉凶列陳。象在其中矣。天地運轉。氣在其中矣。乾道變化。萬物通矣。乾分八卦至大有復卦

六爻交通至於六卦陰陽相資相返相剋相生至游魂復歸本位為大有故曰火在天上大有為歸魂卦定吉凶配人事五行象乾為指歸地配人事天地山澤草木日月昆蟲包含氣候足矣

昂按原文末一地字當作也游魂在四為陰位建己卯陰柔經六辰十節故土火二象分候二十有八積算甲申入第四爻己酉木雖剋土而甲與乙合申酉皆金合本宮乾金也金土自甲申立秋循環至癸未大暑天地運轉而氣著吉凶陳列而象著萬物化成而形著六卦從乾入姤迄剋陰陽生剋而至游魂為晉乾陽復三即為歸魂大有自姤至大有皆以乾宮為指歸

三三離上大有卦復本宮曰大有內象見乾是本位八卦本從乾宮起純金用事與坤為飛伏甲辰土乙卯木

昂按大有卦乾魂來歸在三謙為歸魂之始兌宮三歸而內卦乾復成為大有故承乾宮以純金用事專指內卦以全體言之內乾外離金火分宮六爻中西金已火尤相協也甲己配內外二象初爻甲子福德次爻甲寅財祿三爻甲辰五爻己未皆父母四爻己酉兄弟上爻己巳官鬼內卦返乾由游魂晉卦下坤變入故與坤為飛伏同於本宮乾卦注文甲辰土指大有九三爻乙卯木指坤卦六三爻世位辰土雖受剋制於其所伏之卯木而上爻己巳火能生之此與坤宮三世泰卦同例三公臨世應上九為宗廟

昂按歸魂當三公世位即在第三爻世爻辰土與宗廟爻巳火相應火能生土惟上爻宜變之正耳建戊寅至癸未立春正月至大暑時也

昂按游魂晉卦建始己卯大有歸魂先一辰建候九三始自戊寅受氣值正月節立春歷己卯庚辰辛巳壬午至於癸未成體值六月中大暑大有內乾外離六辰中經歷之辛巳四月中小滿即辟卦乾主之癸未大暑所當之方伯卦即離九三也寅木未土與飛伏土木同行

積算起癸未土至壬午火周而復始吉凶與乾卦同用

昂按游魂晉卦積算至癸未止歸魂大有積算自癸未起自癸未六月節小暑大暑前至壬午夏至一周終始不息壬癸皆水大有積算午火生未土乾卦積算巳火生辰土故注文謂吉凶與乾卦同土火與世應辰土巳火同行

五星從位起太陰。太陰水星入卦用事軫宿從位降甲辰。二十八宿分軫星入大有卦用事行度吉凶可見

昂按太陰北方冰星入金宮。與初爻子水積算癸水相比。軫宿位於東南方。降入第三爻甲辰。軫宿度數起已而迄辰。與三爻納辰上爻納已五行方位相應。軫宿為南方離火七宿之終。鄭氏爻辰補遺巽兩卦皆引莊存與云軫終也大有為乾宮之終。離居外爻。故軫宿降焉。軫為天

車。開元占經大有九二大車。即軫宿車輓之象。厥成說

金土分象三十六候。配陰陽升降。六位相盪。返復其道。復歸本位也

昂按卦本金火分象。京氏言金土者。本宮乾金。歸魂世位辰土也。大有以一陰為卦主。而陰虛通於陽盈。建始戊寅陽剛。六辰經十二節。故卦候三十有六。積算癸未入第三爻甲辰。癸水生甲木。辰未皆土也。

吉凶度數與乾卦同。分六五陰柔為日。照於四方。象天行健。六龍少者為多之所宗。六五為尊也。順於物萬物歸附。故曰照于四方。易曰。火在天上。大有。離為火為日。陰陽交錯。萬物通焉。陰返陽伏。返本也。乾象分盪八卦入大有終也。乾生三男。次入震宮八卦。乾坤生三

三女陽以陽陰以陰求奇耦定數于象也

昂按內卦五行子水寅辰土皆與乾宮同。外卦午火申金戌土變為酉金未土已火。干支與五行方位皆不同。而所屬之五行未之或異。故吉凶度數同於乾也。乾之尊在九五。大有之貴在六五。六五陰柔居陽剛之位。雖不得正。而卦主在五得中。以陰通

陽。陽亢乾上。則姤陰生於初。魂歸乾三。則離陰麗於五。亢不可久。歸則終焉。終而復始。乾陽出坤初為震。就乾宮歸魂大有入震卦推之。則二三上陽變為陰。即入震卦。凡歸魂卦後接一宮首卦。爻之變化。陰陽兩宮皆成對象。卦宮歸魂比卦入巽卦。二三上陰變為陽。餘可類推。

三三震下震分陰陽交互用事。屬於木德。取象為雷。出自東方。震有聲。故曰雷。雷能警於萬物。為發生之始。故取東也。為動之主。為生之本。易繫云。帝出乎震。安不動主靜為躁君。與巽為飛伏。庚戌土辛卯木

昂按乾魂歸於三。而卦從下生。乾陽出初則成震。故為動之主。生之本也。內外二象。天干皆納庚金。地支六辰納子寅辰午申戌。與乾卦同。震為長子。故同於乾父。初爻庚子父母。次爻庚寅兄弟。三爻庚辰上爻庚戌皆財祿。四爻庚午子孫。五爻庚申官鬼。地

支同乾。而親屬位置各殊。以乾宮象金。震宮象木。故配合異也。次爻寅木。與卦體震木合。乾出坤初為震。坤入乾初為巽。子女皆居長。故互為飛伏。震巽皆木也。注文庚戌土。指震卦上六爻。辛卯木。指巽卦上九爻。震卦世爻在上六。伏巽卦上九世爻。宗廟處上六。陰陽之主震動動須由陰陽交互震動也

昂按注文動字。復。震居本宮。世當上爻宗廟之位。應六三爻。而三公失正。上六戌土。應六三辰土。土雖相比。而戌與辰相衝動也。運數入丙子至辛巳。大雪至小滿

昂按運數建始丙子。後乾卦十二辰。受氣當十一月。注文大雪指十一月節。辛巳值四月中。小滿。震陽來復之始。實當十一月中。冬至。由丙子歷丁丑戊寅己卯庚辰前迄辛巳成體。水火相終始也。九四建庚震。與六三所納干支相同。建首丙子。時值冬令。而震為方伯卦。掌管節氣。本當春令。初九春分。時值己卯。六二清明。六三穀雨。時值庚辰。九四立夏。六五小滿。時值辛巳。上六芒種。時值壬午。依京氏所列。每爻配一辰。則六三當己卯。九四當庚辰。六五止於辛巳也。

積算起辛巳至庚辰。土宮配吉凶。周而復始。吉凶配木宮土用事

昂按積算從建月終結之辛巳計起。亦後乾卦十二辰。迴至庚辰。與第三爻干支相同。由辛巳小滿。迴環至立夏一周。震天干納庚。庚辛皆金。巳火生辰土。土又生金也。震為木。世位當戌土。積算至辰土。故木宮以土用事。木剋制土也。

五星從位起歲星。水星入卦用事角宿從位降庚戌土。庚戌入震用事臨上六爻庚戌土位為元首

昂按注文水星當作木星。東方歲星以木象入木宮。角宿列東南方辰位。而冠東方震木蒼龍七宿之首。震卦冠本宮之始。故值角宿。降入上六庚戌土。此亦木宮以宿用事之徵。星宿皆土象。與卦體震木同行。角春秋為木。開元占經引石氏說又為龍角。開元占經引郝萌說震為木為龍。位東方卯木。臨青龍。木與龍皆角宿之象。

內外木上二象俱震。易曰。震驚百里。又云。畏鄰戒也。震為雷驚于百里春發秋收順天行也取象定吉凶取象為陽。配爻屬陰。故曰陰陽交錯而為震。氣候分數

三十六。定吉凶於頃刻毫釐之末。無不通也。無不備也。定陰陽數考人之休咎起于積算終于六位也陰陽交互。陽為陰。陰為陽。陰陽二氣盪而為象。故初九

三陰為豫卦。入豫卦